

ՄԱՍՆՈ ԱՍՈՒԼԻՍ

ԻՐԱԿԻ ԴԱՐԻՔԱՆԿԻ. «ՀԱՍԱՐԱԿՈՒԹՅՈՒՆԸ ՊԵՏՔ Ե ՀՍՏԱԿ ՏԵՂԵԿՈՒԹՅՈՒՆ ՈՒՆԵՆԱ ԿԱՌԱՎԱՐՈՒԹՅԱՆ ԳՈՐԾՈՒՆԵՈՒԹՅԱՆ ՄԱՍԻՆ»



Մարտի 26-ին Վրաստանի վարչապետ Իրակի Դարիքաշվիլին անցկացրեց մամուլի ասուլիս, որտեղ ներկայացրեց իր գլխավորած կառավարության կողմից իրականացված աշխատանքը: Նրա խոսքերով, ցավոք, հասարակայնությունը լրիվությամբ տեղեկացված չէ երկրի կառավարության կողմից իրականացված աշխատանքների մասին:

Ներկայացնելով գործադիր իշխանության ձեռքբերումները, վարչապետն առաջին հերթին նշեց «Շ» հեռախոսի դեմ պայքարի ծավալում նախագիծը: Նրա խոսքերով, այս տարի ԱՄՆ-ից Վրաստան է ներկրվելու դեղորայք, որը մատչելի կլինի բոլորի համար: Իրակի Դարիքաշվիլու խոսքերով, կառավարությունը հաջողության է հասել օտարերկրյա անմի-

ջական ներդրումների եւ ՀՆԱ-ի ավելացման գործում: Ինչպես նշեց վարչապետը, նկատելիորեն ավելացել է նաեւ գործընկեր երկրների հետ ապրանքաշրջանառության ծավալը, փոքր եւ միջին ձեռներեցությունը, ինչը նպաստում է նոր աշխատատեղերի ստեղծմանը:

Վարչապետի խոսքերով, ազգային տարադրամի լարիի արժեզրկման պայմաններում, կառավարության գլխավոր առաջնահերթությունը տնտեսական կայունության ապահովումն է: Նրա խոսքերով, ար-

(Շարունակությունը՝ 4-րդ էջում)

ՊԱՇՏՈՆԱԿԱԼՈՒՄ

ԳԵՐԱԳՈՒՅՆ ԴԱՏԱՐԱՆԻ ՆՈՐ ՆԱԽԱԳԱՐԸ ԱՏԱՆՁՆԵՑ ՊԱՇՏՈՆԸ

Վրաստանի նախագահ Գիորգի Մարգվելաշվիլին, մարտի 23-ին պաշտոնապես ներկայացրեց Վրաստանի Գերագույն դատարանի նոր նախագահ Նինո Գվենետաձեին:

Գերագույն դատարանի նոր նախագահի ներկայացման արարողությանը ներկա էին Գերագույն դատարանի նախկին նախագահ Կոնստանտին Կուբլաշվիլին, դատավորներ, Վրաստանում հավատարմագրված դիվանագիտական ներկայացուցչությունների ներկայացուցիչներ:

Չիչեցնենք, որ մարտի 20-ին Վրաստանի խորհրդարանը պաշտպանեց երկրի Գերագույն դատարանի պաշտոնում Նինո Գվենետաձեի թեկնածությունը:

Ներկայացման արարողությանը ելույթ ունեցան Վրաստանի նախագահ Գիորգի Մարգվելաշվիլին, Կոնստանտին Կուբլաշվիլին: Գերագույն դատարանի նախագահի պաշտոնում գործունեության առաջնահերթությունների եւ գերակայությունների մասին իր ծրագրային խոսքով ելույթ ունեցավ Գերագույն դատարանի նորանշանակ նախագահ Նինո Գվենետաձեն:



Նկարում.- Վրաստանի նախագահը Գերագույն դատարանի նոր եւ նախկին նախագահների հետ:

ՎՐԱՍՏԱՆ-ՆԱՏՕ

ԱՆՅԱՆՍԻ ԽՈՐՀՐԴԱՐԱՆԱԿԱՆ ԱՍՏՐԵԱՅԻ ՊԱՏՎԻՐԱԿՈՒԹՅՈՒՆԸ ՎՐԱՍՏԱՆՈՒՄ

Վրաստանի նախագահ Գիորգի Մարգվելաշվիլին հանդիպում ունեցավ պաշտոնական այցով Վրաստանում գտնվող ՆԱՏՕ-ի խորհրդարանական ասամբլեայի պատվիրակության հետ:



Հանդիպմանը կողմերը քննարկեցին Վրաստանի եւ ՆԱՏՕ-ի համագործակցության հետ առնչվող հարցեր: Ընդգծվեց այդ համագործակցության խորացման գործում ՆԱՏՕ-ի խորհրդարանական ասամբլեայի կարևոր նշանակությունը:

Հանդիպման առանձնակի ուշադրություն հատկացվեց Վրաստանի բռնազավթված տարածքներին: Այլանսի խորհրդարանական ասամբլեայի ներկայա-

ցուցիչները կրկին ընդգծեցին Մոսկվայի կողմից Սուխումի եւ Զիչնվալիի հետ ձեւակերպած, այսպես կոչված, դաշնակցության եւ ինտեգրման մասին պայմանագրի անօրինական բնույթը:

Այլանսի ներկայացուցիչները Վրաստանում շնորհակալություն հայտնեցին ՆԱՏՕ-ի խաղաղարարական առաքելություններում Վրաստանի ակտիվ մասնակցության համար:

ԳԱԳԱԹԱԺՈՂՎ

ՆԵՐԿԱՅԱՑՎԵՑ ԴՈՆՈՐՆԵՐԻ ՀԵՏ ՆՈՐ ՀԱՄԱԳՈՐԾԱԿՈՒԹՅԱՆ ԶԵՎԱՉԱԾ

Մարտի 24-ին Թբիլիսիում անցկացվեց դոնորների ամենամյա կորդինացիոն գագաթաժողովը, որի աշխատանքին մասնակցեց Վրաստանի վարչապետ Իրակի Դարիքաշվիլին:

Ելույթ ունենալով գագաթաժողովում վարչապետը հայտարարեց, որ կառավարության աշխատակազմը դոնորներին կներկայացնի կոնկրետ նախագծերի արդյունավետ իրականացմանն ուղղված համագործակցության նոր ձեւաչափ: Վարչապետի խոսքերով, շատ նախագծեր գտնվում են իրականացման փուլում, ինչը երկրի քաղաքացիներին հու-

սադրում է, որ Վրաստանը մեծ հնարավորություններ ունեցող երկիր է:

Վարչապետի հավաստմամբ, ներկայացնող նոր ձեւաչափը յուրատեսակ երաշխիք կհանդիսանա դոնոր երկրների եւ կազմակերպությունների համար, որ ներդրած միջոցները իրականում կնպաստեն ներկայացված ծրագրերի իրականացմանը:

ՀԱՄԱԳՈՐԾԱԿՑՈՒԹՅՈՒՆ

ՕՐԱԿԱՐԳՈՒՄ ԷԿՈՆՈՄԻԿԱՅԻ ԵՎ ՄՇԱԿՈՒՅԹԻ ՈԼՈՐՏՈՒՄ ՀԱՄԱԳՈՐԾԱԿՑՈՒԹՅԱՆ ՀԵՌԱՆԿԱՐՆԵՐՆ ԷՆ



Մարտի 24-26-ին պաշտոնական այցով Թբիլիսիում էր գտնվում Նորվեգիայի խորհրդարանի նախագահ Օլեմիկոմ Թոմսենը:

Այցի շրջանակներում՝ հյուրը հանդիպումներ ունեցավ իր վրաց գործընկեր Դավիթ Ուսուփաշվիլու, Վրաստանի նախագահ Գիորգի Մարգվելաշվիլու, վարչապետ Իրակի Դարիքաշվիլու, արտաքին գործերի նախարար Թամար Բերուշաշվիլու հետ:

Վրաստանի եւ Նորվեգիայի օրենսդիր մարմինների ղեկավարների հանդիպման ավարտից հետո անցկացված համատեղ մամուլի ասուլիսում նշվեց, որ կողմերը քն-

նարկել են քաղաքականության, էկոնոմիկայի եւ մշակույթի ոլորտում համագործակցության խորացման հեռանկարները: Անդրադարձ է կատարվել նաեւ Վրաստանի եվրոպական ինտեգրման, ՆԱՏՕ-ի հետ փոխհարաբերությունների զարգացման, տարածաշրջանում ստեղծված իրավիճակի եւ այստեղ առկա հիմնախնդիրների կարգավորման գործում եվրոպայի երկրների ակտիվ մասնակցության թեմային:

ՏԱՐԱԾԱՆԵՐԱՆ

ԽՈՐՀՐԴԱՏՎԱԿԱՆ ԽՈՐՀՐԴԻ ՆԻՍՏ՝ ԱՆԱԼՔԱԼՔԻՈՒՄ

Մարտի 23-ին, Ախալքալաքիում, անցկացվեց Սամցխե-Ջավախեթի տարածաշրջանի խորհրդատվական խորհրդի արտագնա նիստը:

Նիստին քննարկվեցին տարածաշրջանի մունիցիպալիտետներում իրականացվող ենթակառուցային նախագծերը, դրանց փորձաստուգման եւ վերահսկողության հարցերը ու հայտնաբերած թերացումները: Քննարկվեց նաեւ

պետզնունների գործընթացում ծագած հիմնախնդիրների հարցը: Նիստում քննարկվեցին նաեւ այն հիմնախնդ-



(Շարունակությունը՝ 3-րդ էջում)

ՎՐԱՍՏԱՆ-ՀԱՅԱՍՏԱՆ

ՔՆՆԱՐԿՎԵՑԻՆ ՏՆՏԵՍԱԿԱՆ ՀԱՐԱՔԵՐՈՒԹՅՈՒՆՆԵՐԻ ԸՆԴԱՅՆՄԱՆ ՀԵՌԱՆԿԱՐՆԵՐԸ

Մարտի 25-ին Վրաստանի փոխվարչապետ, էկոնոմիկայի եւ կայուն զարգացման նախարար Գիորգի Կվիրիկաշվիլին հանդիպում ունեցավ Վրաստանում Հայաստանի արտակարգ եւ լիազոր դեսպան Յուրի Վարդանյանի հետ:

Հանդիպմանը քննարկվել է երկկողմ հետաքրքրություններ կարգավորող հարցերի լայն շրջանակ: Անդրադարձ է կատարվել վրաց-հայկական տնտեսական ներկայիս հարաբերություններին, ինչպես նաեւ դրանց հետագա զարգացմանն ու ընդլայնման հեռանկարներին: Երկուստեք կարևորվել է զբոսաշրջության եւ էկոնոմիկայի ոլորտում համատեղ ծրագր-



րերի առավել ակտիվացման անհրաժեշտությունը:

Մտքեր են փոխանակվել տնտեսական ոլորտում վրաց-հայկական համագործակցությանն առնչվող հարցերի շուրջ:

